

LĀNA'I AND COVID-19



Ita nga aldaw, Abril 10th, ditoy Lāna'i ket awan pay ti nagsakit ti Covid-19. Ngem ketdi, importante nga aramiden dagiti banag a mangsalaknib kadatayo kasanguanan a dumteng daytoy a sakit ti lugartayo. Isu ti gapuna nga dagiti Lāna'i Medical Providers ken digiti umuna nga mangtulong kadatayo, kas dagiti doctors ket nagaramidda dagiti saludsod a kanayon nga damagen no kas pagarigan agsakitka (FAQs).

TESTING

- **Siasino koma ti maeksamen?**

Tawagam ti clinic a sigud nga mangtultulong kenka no agsakitka kasanguanan a mapanka idia disso nga pageksamenan ti sakit. Damagenda dagitoy a saludsod: Sika a pasyente ket nayyasiddegka iti tao nga nakomperma nga agsakit ti Covid-19 a maigapu ti resulta ti laboratoryo? Nagpasiar kadi daytoy a tao ti ruar ti Hawai'i?

- **Sadino a disso weno lugar ti papanam tapso maeksamenka ditoy Lāna'i?**

Ti Lāna'i Community Health Center, Straub Lāna'i Clinic ken Lanai Community Hospital ti papanam no kayatmo ti maeksamen.

- **Kasano ti kaatiddog ti tiempo nga agurayka ti resultana?**

Kaduanna ket agurayka ti 3-4 nga aldaw nga maamuam ti resultana ngem ketdi madanunna pay ti 10-14 nga aldaw kalpasan ti eksamen nga maawatmo ti resultana.

CAPACITY

- **Kasano no dagiti mangtultulong kadatayo (medical providers) ket agsakitda ti Covid-19?**

Amin nga mangtultulong kadatayo (medical providers) nga agtrabaho ti ahensiya ket addaanda ti plano ken pagannurotan tapno agbalinda nga responsible a trabahador.

- **Ti kakaruan nga kaso ti Covid-19 a pasyente ket maipatulod iti roplano a mapan idia O'ahu weno Maui tapno matulonganda ti napigpigma a wagas a panaglaing.**

Dagiti awan ti Air Med Care na, insurance ti panagluganan ti daytoy a roplano, ket itan ti tiempom nga mangala daytoy a tulong, agsign-upka kadakuada iti numero a 800-793-0010.

TRACKING

- **No kas adda kakontakmo weno am-ammom a tao nga nadiagnos ti Covid-19. Siasino ti mangcontact weno mangtawag kenka?**

Dagiti mangmonitor ti tattao iti kastoy a banag ket ubraen ti departamento ti Hawaii State Department of Health ken ti Maui Visitor's Bureau.

EQUIPMENT

- Iti daytoy a kanito, dagiti sigud a mangtultulong kenka no agsakitka (medical providers) ditoy Lāna'i ket addaanda ti PPE's weno Personal Protective Equipment para ti masakbayan, ket mabalinda pay ti agdawat ti nayonna no kas kasapulanda ngem awan ti garantiadona ng adda (ta maigapu ngamin ti adu a demanda ti nadumaduma a kasapulan). Awan ti umanay a kasapulan ti sangalubungan isu ti gapuna a masapul nga maikanawa weno salbaren dagitoy para kadagiti tattao a sigud a mangtultulong (health care providers) kenka no agsakitka.

TESTING POSITIVE

No naeksamenka ti Covid-19 ket ti resultana ket positibo, daytoy ti aramidem:

- **STAY HOME.**

Saanka nga mapan idia y parmasioutica, store, post office wenno annia pay a lugar a ruar ti pagtaengam. No nakuarantinka, masapul nga amin nga agtaeng ti balay ket makuarantin met. Basaem toy baba daytoy a kasuratan no kasano nga makagroserika, mangala ti mailmo, mangala ti medicinam, wenno kumporme a kasapulan ket maideliber ti buluntaryo a tao ti adayo bassit nga disso dita balaymo wenno pagtaengam.

- **No posible koma, agyanka ti sabali nga disso a parte ti balaymo tapno maisupadika kadagiti kabbalaymo. No mabalin, agusarka ti kabukbukodam nga kasilya.**

No saan nga mabalin, agusarka ti mask, lik-likam nga usaren dagiti banag nga personal kenka kas ti lung-lungan, ules wenno pungan, twalya, ken nadumaduma pay. Isupadim dagiti usarem a banbanag kas ti toothbrush. Ikalikagummo a nadalus dagiti banbanag nga masagsagid kas ti doorknobs, counter tops ken light switches.

- **Agaramidka ti listaan dagiti tattao nga naasitgam.**

Ti Department of Health ket kuntaken dakayonto tapno ammuenda dagitoy.

- **Aginanaka ken uminomka ti adu a danum wenno liquid.**

- **Kuntakem ti 911 no kasapulam ti medical emergencies, ibagam ti dispatcher nga agsakitka ti Covid-19.**

Dagiti signales a makuna nga emergency ket marigatanka nga umanges, agsakit ti susuopmo wenno parte ti bagim, nadagsen ti barukong, kaskala maulaw wenno makunfuseka, marigatanka nga agriing, ken dayta bibigmo wenno aglawlaw ta ngiwatmo ket bluish.

- **Kaberam ti uyekmo and baenmo babaen ti panangusarmo ti takiagmo wenno sikom, wenno usarem ti tissue a pangkaber ti ngiwat ket ibellengmo ti tissue a sigida saka sabonan dagiti imam.**

- **Sabonam dagiti imam ti sabon ken danum iti 20 sekondo ti kabayagna wenno usarem ti hand-sanitizer.**

- **Tawagan ti Lāna'í COVID Volunteer Service Team ti numero a 808-565-8003.**

Aramidenda ti kabaelanda nga mangtulong kenka kas ti panangpick-up kadagiti kasapulam kas ti groceries, agas, ken mails ket ipanda iti disso nga asideg dita puerta ti balaymo. Kaaduanna ket mausar ti credit card ngem matulongan dakayo met dagiti Merchant no kas kasapulam.

DAYTOY KET LIBRE A TULONG KEN CONFIDENTIAL KADAGITI LĀNA'Í VOLUNTEERS.

**DAGITI
POLICIA TI LĀNA'Í,
FIREFIGHTERS,
EMT RESPONDERS
KEN HEALTH CARE
PROVIDERS KET
NAKASAGANADA
AMIN A TUMULONG.**